

澄城縣志

153

地

170.149

31

21

澄城縣重修縣志序

今

上龍飛御宇之四年余承乏捧檄至澄及入境見蕭條殘破之狀較他邑尤甚心甚愴之於稽邑乘將警風物土俗之概又缺如也一日購求得二本乃崇禎乙亥失城後署縣梁丞所重刊者梁丞應故事希省工費妄加刪削篇帙紛舛亥豕錯訛不堪寓目竊疑十步之澤必有香草豈一同之內竟無片言隻字可當傳記既而得石明經嘉靖中所撰原志乃有馬韓二先生序及其中疏章記錄班班有可觀者梁丞割裂簡率至此將誰咎哉癸未未又付兵燹天其或者不欲因陋就簡以訛傳訛乎然修復之責烏容緩耶余小子綆短汲長

澄城縣志

卷一

一

略本

舉一切建置修築不難勉爲惟是事關憲綱昭示來茲者未敢率爾况嘉隆以後百十餘年之中軼事又不可以不備徵文祇據乎現存株守不免失之狹考事或搜乎雜記博綜又病其未精定品欲採乎家乘任目不免失之徇獨見或出乎新裁信心又恐其多僻自非博物君子老于掌故者惡能勝其任而愉快乎余小子移牒文學周諮徵事已乃訪求史筆咸推繩烈先生先生門庭蕭索澹泊寡營諷咏人代而外宴如也余造請不獲辭踰歲月而卒業訛者正之缺者補之散軼者賡續之核而實博而雅微而顯宛而文纏纏洋洋卽古良史何以加焉後之君子倘有志于世代新故之感者更欲潤澤裒益其間則有是編在余自受事來二年於茲馳驅戎

馬之疆鞅掌供輸之際無食頃小得所憩而獨念茲不忘以承

國家鼎興之運文獻之重不敢不亟講耳同志者循覽斯文其知余在徵之心哉順治六年歲次己丑臯月之吉澄城縣知縣江南四表姚欽明譔

重修縣志告成齋投各上臺申文

順治六年八月朔日澄城縣知縣姚欽明竊照

國計民風典文攸寄治蹟邦法圖籍可稽志所由來尚矣澄城古馮翊屬邑負山依谷地瘠人愚屈指先代秀出爲艱至勝國世廟中邑太學石道立始破天荒而爲志頗能採輯舊聞構成勝帙方之昔人勤亦至矣其時韓苑落馬谿田兩先

澄城縣志

卷一

二

路本

生撫事增賞樂爲之敘元宴題辭宣城折簡非止章斯名譽實欲風激人羣關西人文于斯爲極不可謂非兩先生左提而右挈之也思廟之初厄於回祿而攝事鄰丞借典要典潛移國帑輒自刪除因陋就簡是猶羅天鳥而鍛羽儀豢擾神物竊領珠而綴之私室也癸甲之際旋罹兵火衆人惜矣君子則否卑職于今

上四年冬入境受事爰詢舊乘灰燼荒涼徒增歎慨于是懸金廣募并得二書以彼較此固不可同年而語矣博求故實按籍興除因時制宜頗得要領其時入緣林者萬族同孤城者匹家執殳前驅荷戈登雉偃武修文終未能也因念

皇清肇興文命鼎運維新溥海內外野史稗官罔不弋入內

府以備採擇况縣志一書土田川原戶口阨塞以及維正之
貢軍興之需人民習尙建置沿革風教固殊總載斯冊各憲
臺膺命巡方觀風問俗率皆簡閱遺文以相時勢播仁風而
坐視殘缺罔俾興復兩載以來良獨內媿不圖遺獻近在
邦訪得邑鄉紳前東光令路世美門庭蕭索澹泊寡營諷咏
人代而外宴如也卑職造廬躬請爰任斯役歷夏徂秋遂得
告成卑職開函三復虛心詳較見其補遺正訛援古酌今其
間商確時政如披陸公之疏塵念民瘼竟同長沙之哭稽昔
獻吉慶陽于鱗濟南兩志傳播海內繼倡英風不意于今嗣
鳴大雅允稱高文不媿良史雖慙卑職捐俸之初心實關下
邑備考之掌故理合齎投仰憑垂鑒伏乞照詳施行

澄城縣志

卷一

三

路本

澄城縣志凡例

一澄城故爲三輔屬邑風俗無異左馮故第表土俗不復觀
縷節物

一土產非特有者不悉載

一職官各列官制于一代之前以便稽覽

一官師德在士民者實有口碑可述如無可據則止書人地
未敢阿譽

一人物節取不一統曰名賢論善于鄉要無妄與也存者不
書事蹟以俟論定于異日耳

一本非職官而有功於地方者亦附紀曰遺事

一志卽古列國之史非一家言故官師人物皆書名卽余先

人亦未敢私加諱字

一藝文不能悉錄但列碑目于各建置之下以俟攷焉

一邑中名碩詩詞非不家有靈珠非與縣景相關者似難摺

載

一志采摭貴博吾徵大兵之後遺文缺略聊理殘編用備散

亡嗣有所得當續志之

目錄

圖攷 縣境圖 縣城圖 縣治圖 學宮圖

地理志 沿革分野 邑名 疆域 山川 形勝

橋渡 井泉 古蹟 陵墓 景致 風俗

災祥

澄城縣志

卷一

四

路本

建置志 城池 縣署 儒學 社學 諸行署 雜署

鋪舍 鄉里 鎮堡 市集

祠祀志 祠廟 壇壝 寺觀附

田賦志 田畝 戶口 田賦 丁賦 課程 物產

官師志 封錫 職官 知縣 縣丞 主簿 典史

教諭 訓導

人物志 宦達 選舉 進士 舉人 貢士 例貢

武科 名賢 孝子 烈女 節婦 義士

戚畹 封贈 坊表 隱逸 僑寓 仙釋

遺事

雜志附

陶枕 文鬼 夙慧 畫異 妖診 闕疑

正訛

藝文志 詔諭 疏奏 申文 箴銘 碑記 傳贊

詩詞

按澂志纂自外王父楊公庭修于諸親石氏道立二公故博洽又得谿田苑維雨先生爲鑒定訝鼓之誚吾知免矣後有作者卽窮宛委蒐稗史不過如大家之續漢書組紉補綴已耳敢變例焉矧志以傳信不信胡傳苟傳矣而猶不信則好行小慧者本欲矜蟲魚反不辨鼠璞矣卮言副墨又安用之我澂當明季甲戌間罹兵燹志輿城俱去收復餘燼者應故事以殘斷付剗剗余每傷之自起家東陽以至颺遂初又歷年所修復之懷無晷不在隰桑之末也爾乃滄海桑田耆舊

澄城縣志

卷一

五

路本

凋零城郭人民已非誰復操鉛槧以從事者金陵姚侯欽明竭來應

運百廢俱舉不期月而改觀尤念文獻之重俾余忝預茲役夫有其志之又多乎哉殫余數十年之心之見聞期不戾于舊章斯已矣昔人云孔子韋編三絕起而作春秋裕如也余家世學易于外王父雖不知春秋大義爲何在然用以不沒人善也則有之焉順治六年如月上澣匱谷老人七十翁前直隸河間府東光縣知縣繩烈甫路世美書

澄城縣志卷一

邑人路世美增修 男路一麟重訂

地理志

沿革

澄城禹貢雍州之域周為北徵後音懲王官地春秋屬晉後

屬秦左傳文公三年秦伐晉取王官十年秦伐晉取北徵遂

為秦地漢始置徵縣屬左馮翊徵澄同音後誤為澄韻會徵

澄全水名疑徵本從徵新莽徵改汜愛屬列尉大夫東漢省

魏晉俱為重泉地屬馮翊郡元魏太平真君七年置澄城五

泉三門三縣又析郃陽縣置澄城郡領澄城五泉三門宮城

南五泉五縣後周明帝二年省五泉縣入澄城隋開皇三年

澄城縣志

卷一

六

路本

罷郡以縣屬同州唐武德三年析澄城置長寧縣今縣西北

長寧河有城址存焉貞觀八年省長慶四年割隸奉先縣五

代梁屬河中府唐同光元年復隸同州宋金元因之金貞祐

三年令宜撫副使治澄城明仍為澄城縣隸同州

國朝因之

歷代沿革表

總部

郡

縣

唐虞

雍州之域

夏商

雍州

周

雍州

春秋

晉

北徵

王官

秦 周襄王二十八年秦伐晉取王官

周頃王二年秦伐晉取北徵

戰國

秦

秦

內史

重泉

漢

司隸部

左馮翊

徵縣

新莽

列尉大夫

汜愛

東漢

司隸部

左馮翊

重泉

三國魏

司隸部

馮翊郡

重泉

晉

雍州部

馮翊郡

後魏

真君七年

馮翊郡

澄城

五泉

三門

澄城縣志

卷一

七

路本

太和十年

西華州

澄城郡

澄城

五泉

三門

宮城

南五泉

西魏

雍州部

澄城郡

領朝邑

後周

澄城郡

領邵陽

隋

司隸刺史部

馮翊郡

澄城縣

唐

武德三年

關內道

同州

長寧縣

貞觀八年

省

長慶四年

割隸奉先縣

乾元初

同州

澄城縣

五代梁

河中府

澄城縣

唐			同州	澄城縣
宋	永興路		同州馮翊郡	澄城縣
金	京兆府路		同州馮翊郡	澄城縣
元		安國軍		
明	陝西行中書省	同州		澄城縣
國朝	陝西布政司	西安府同州		澄城縣
山川	陝西布政司	西安府同州		澄城縣

〔雒河〕 按詩註漆沮在西都畿內涇渭之北所謂雒水今自延葦流入鄜坊過澄城至同州入河也前漢溝洫志云嚴熊

澄城縣志 卷一 八 路本

言臨晉民願穿雒以溉重泉以東萬餘頃於是發卒萬餘人穿渠自徵引雒水至商顏下顏師古註云雒卽漆沮水徵卽澄城也馬朴同州志云雒水源出北地入保安會諸水經安寨至甘泉合環縣之雒南流經鄜州洛川中部合沮水又經宜君白水入澄城經蒲城同州至于朝邑從渭入河成化中徑入河威烈王十八年秦塹雒謂此

〔撲地河〕 俗譌爲薄底河宋李忠襄公建炎二年知同州密爲恢復計志不就遂奔夏國會經於此

〔隋公泉〕 邑人路車石壁有詩歷來名公題咏尤多崩缺漫滅難可辨識

續曰雒水自白水入縣西北隅而南受玉泉又南受長亭

河蓋雲門紅羅二谷水所會也又南受縣西河則甘泉隋
公泉激泉洗腸泉拗槍泉諸水所會而東南有撲地河則
郃之大浴水而異名者自東北而南而西又受龍泉以同
歸于雒入蒲城境唐村有溫泉

古蹟

萬里長城

恐非蒙恬所築者

今澄似非其地或是史記

魏築長城自鄭濱雒而北以擯秦者

元里 在縣南五十里左傳晉伐秦築元里

杜平 史記秦孝公與魏惠王會杜平注皆在同州澄城縣
界

伏龍府 在縣南五十里唐置兵之所肅宗時太原王榮爲

澄城縣志

卷一

九

路本

伏龍府折衝

三門縣 在縣西北三十里三門村卽其故址

杏城 魏書有杏城今失其所

陵墓

唐魏徵墓

俗名海子陵墓田廣若干頃今按一統志魏徵

陪葬昭陵在今醴泉縣此不應復有徵墓必徵之子孫也墳
中螭首碑數通豪家利其地盡沒之嘉靖初人訟之官有司
莫能究也昔宋真改時太后遣宦者起浮屠京兆城中同州
守姜尊盡毀古碑碣充瓦礫用陳堯佐奏曰唐賢臣墓石十
亡七八矣子孫深刻大書欲傳之千載乃一旦與瓦礫等誠
可惜也其未毀者仍勅州縣完護之嗚呼今安得起堯佐於

九原而使之完護哉設身處地者當自思之

高柏成墓 塚高丈餘周圍三十步其上古柏森然生棘無
曲刺墓前有廟三楹內肖夫婦袍笏二像碑碣無存以政和
中重修斷碑攷之必宋以前人也按唐段成式西陽雜俎云
白日尸解自是仙非尸解也鹿皮公吞玉華而流蟲出尸王
西城漱龍胎而死訣飲瓊漿而扣棺仇季子咽金液而晁徹
百里季主服霜散以潛升而頭足異處黑狄咽紅丹而投水
甯生服石腦而赴火柏成納氣而胃腸三腐未知是否

潘尙書友直墓 墓田廣五十餘畝縣南鎮基村有孟舉父
墓中有勅修碑今沒猶有翁仲存焉嘉靖改元例修名臣墳
墓移檄于縣有司以受代而寢

澄城縣志

卷一

十

路本

雷御史恭墓 恭死葬成所今止有恭父清墓勅命一通墓
表一通左春坊大學士兼修國史廬陵曾棨撰
韓給諫一良墓 在縣南西觀村清貧不能舉後事惟封土
而已

景致

續曰天地之大也山水亦有遇不遇哉吾澗分水嶺孤峰
宛在華不注之奇也湫頭飛瀑奔騰氣凌萬馬非稱吞雲
撼岳之雄乎曾不得與雁宕鉅罅錫嘉名地俗人乎哉
元遺山北嶽詩古今同慨矣

災祥

明宏治十四年正月朔地大震 自朔至望未已壓死人民甚

衆嘉靖三十四年冬地大震在在陷裂窰頭塌死居民尤多

萬曆七年夏恒燠賜死者衆十四年冬月地震有聲是年大

旱饑麥米一斗銀四錢次年大疫四十四年好蚘害稼四十

五年夏旱秋潦冬復燠桃杏間華鳥有伏雛者四十七年旱

無禾崇禎六年秋大饑斗米銀七錢民死徙強半十一年十

二年蝗十三年大饑民乃作亂是歲麥禾俱無芟刈時斗麥

值三錢間歲麥一斗銀二兩子女玉帛駢填墟市人莫之顧

肩榆為粥繼以藟根藟盡食紅石及煤炭十無一生旋相食

素封之家率多餓死當是時有攫市者縣官以饑故姑息之

民遂歛然而起公行劫奪嚴緝弗能止至動大兵如饑虎之

驅羸羊死者無算矣嗟乎天發殺機固其所也乃姑息之貽

澄城縣志

卷一

十一

路本

害一至此哉周官荒政具在曾不舉行而聽民自亂卒至一
往撲滅仁術固如是乎

國朝順治四年秋大蝗自東北來六年三月霾四月地震

續曰世謂災祥休咎天也非人之所能為也反風渡虎無

論已彼長平平糴諸法孰非修禳實事乎又不然一切大

徵發額外加派先幾而申飭之不至重困斯民卽不能紹

休于天也其亦无咎于人哉

建置志

城池崇禎癸酉知縣王選于城頭增土三尺兼并塚口癸

未乙酉間圮至

國朝順治五年知縣姚欽明重修始開水門姚侯精風繼

謂城中水不宜正出西門相水執于西門左開水竇崇濶相稱砌以甃石開以鉄隨隍塹西南疏入金沙谷中水有攸歸風氣爲之一萃矣

縣署 縣治徙於親鄰寨 治事於親鄰寨 嘉靖甲辰重修

修韓邦奇撰記 乙巳又撰八銘懸正廳以示戒 天啟甲子

知縣毛丹鳳重修寅賓館邑舉人路世龍撰記崇禎乙亥流賊混天星焚燬正堂甲戌署縣事邵陽縣丞梁才重建癸未廨舍宅第漸就傾頽順治戊子知縣姚欽明悉重新之恢其宅舍通以廊宇又因廢主簿宅創爲花署冰齋鹿庵澹軒儀仗庫在幕廳左今廢 知縣第 知縣姚欽明增修紆曲乃有今宅 後樂園 今廢爲馬廐 花署在知縣第右以

澄城縣志 卷一 三 路本

上衙舍自乙亥秋混天星破城後又連年兵賊焚燬盡成坵墟知縣姚欽明略有創建 內有穿廊酌度槐堂三楹極清幽

儒學 萬曆十七年諸生以形家言學宮不利科第謀遷城

中之縣官告不可於是諸生 張宏道權可法等抱先師先賢木主徙之按察署中朱其門 移按察司於布政司布政司於養濟院養濟院於故儒學至知縣姚祚昌又建文昌祠於故文廟所 事聞監司僅法一二首事者以懲其擅學宮遂

改於按察司居城北街之左改後科第果有人而首事者之後亦多成立云崇禎七年流賊焚燬東廡知縣傅應鳳重建語在進士韓一良記自是以還兵燹連綿闔楯復閣門楣窗櫺久歸烈焰卽宮牆洗圮蕩作鹿場俎豆廢閣不待言矣順

治戊子冬知縣姚欽明重修如制祀事孔明語在進士蒲城原毓宗記

社學 崇禎癸酉知縣王選重修

鄉里

續曰澄自二十年來兵荒頻仍幾無遺民矣矧

鼎革之際凋劫尤深給餉饋糧且無藝乎以四十里之名而征之僅存之餘息無惑乎其不能應也民不應則累及官累及官仍無益於賦姚邑侯乞蠲荒糧文洞悉其弊矣倘得併里之議行而

國無虛賦則民將樂輸撫字之仁孰有急於此哉

祠祀志

澄城縣志

卷一

三

路本

祠廟

啟聖祠

祀啟聖公配享顏無繇曾點孔鯉孟孫氏于廡以先儒程珦朱松蔡元定爲從祀

名宦祠

祀唐縣令鄭楚相宋知縣呂大防明知縣楊季琦

徐效賢

鄉賢祠

祀南京工部尚書潘友直交趾道監察御史雷恭南京戶部郎中許英四川敘州府同知路車直隸保定府通判白瑀戶科給事中韓一良鞏昌府教授王崇教

城隍廟

在西門外廟前舊有神樓二座嘉靖間傾一存石者亦凋泮幾傾萬曆壬午知縣暢孟樂增修三樓生員杜一尚倡率耆民楊榮關潼等督修邑舉人路車撰記一在城內

東南隅洪武初主簿夏安禮改建縣丞姚宗敬撰記久廢
文昌祠 萬曆四十八年知縣姚祚昌改移西關舊文廟所
天啟間知縣毛丹鳳加春秋二祭順治五年知縣姚欽明重
修

唐魏鄭公祠 順治六年知縣姚欽明重修邑人權時昌作
記

史公祠 知縣史東昌祠也在西門外文昌廟東建祠三楹
有去思碑

王公生祠 知縣王選祠也在縣治門左語在生祠碑記

忠烈祠 主簿李可受生員党嘉琚韓繼武宋捷報杜其意
王之章祠也崇禎七年混天星破城主簿蹈火死党嘉琚手

澄城縣志

卷一

西

路本

刃妻妾自刎韓繼武以給諫子爲賊所推戴殺不上馬罵賊
被刺其餘皆罵賊不屈死知縣傅應鳳申請奉檄祠于文昌
祠左語見邑令傅應鳳記 未闡死難生員党振纓景運輟
附記

國朝姚公生祠 知縣姚欽明祠也在縣治前左西向建祠
三楹門有坊語在庶吉士蒲城常若柱所撰碑

岱嶽廟 順治四年知縣姚欽明重修

韓山靈應侯廟 一在南郭門外東南隅知縣姚欽明重修
一在北社村

秦武安君廟 一在將軍山巔一在縣北武安村

漢文帝廟 在縣東南西觀村文帝自代州往長安駐驛于

此故立廟焉

漢武帝廟 一在武帝山巔一在棚槍泉上一在良輔鎮
在蔡家河

元帝廟 舊在縣城西北隅嘉靖庚戌知縣敖佐改建城內
西小街正北向南邑人知縣杜一崙記順治四年知縣姚欽
明重修

關帝廟 舊在縣署嘉靖庚戌知縣敖佐遷于廢城隍廟中
自撰碑文二通建正殿三楹獻殿三楹邑人通判杜一岸記
天啟五年知縣毛丹鳳倡同鄉老守備路世光王可盈數十
餘人爲首募緣適屬豐登樂輸者雲集遂大啟正殿五楹獻
殿七楹廊廡十八楹東西各九楹寢室五楹酌廈三楹鐘鼓

澄城縣志

卷一

五

路本

樓二座二門三楹門坊一座語在舉人路世美重修帝廟記
浮澤帝廟 一在縣西義合村一在縣南雷莊村

伏龍神廟 在縣南五十里周保定四年因神之名始置伏
龍府實武衛兵舍之所古碑斷缺文字難究惟曰有龍始見
于南而北伏于此威福一方凡所祈禱應驗如響故鄉民歸
事之宋皇祐六年重修語在將仕郎試秘書省校書郎守耀
州司戶參軍雷章碑記

商山神廟 在縣北三十里世傳村東有河引水成潭中有
巨蛇時出傷殘幾斷行人神乃盪除一方獲安因爲立廟祀
之今民間瘡痍者多禱焉語在邑進士許英記又有貢士杜
莘記

高柏成廟 **舊有碑**嘉靖十年縣官磨充敬一亭碑今無可考惟縣南普化寺碑云左聯柏成廟而爲鄰者有正直之賢據此則神必聰明正直威福一方而可祠祀者與

蜈蚣廟 在雷莊村

三娘子廟 其詳不可考

明李烈婦祠 在縣北過家莊奉旨建祠因國破家亡而未就

寺觀

精進寺 邑貢士杜莘有重修記

治平寺 年代不可考

興國寺 在縣南白龍村隋文帝勅建歷代重修

澄城縣志

卷一

六

路本

壽聖寺 在縣南棘子村宋熙寧間賜額

昭福寺 在縣北太平村唐建宋金元重修

大愍寺 在縣西高槐村金大定間重修

清涼寺 在縣東段家河金大定間重修

青蓮寺 在縣南董家河明憲判路從廣施地建

善化寺 在王家河

至德寺 在縣南伏龍村宋大觀間賜額

容相寺 在董家河金大定二十年建

觀音院 一在文廟正南順治五年知縣姚欽明因生員路

從序舊建一櫺澗之爲祈嗣地

白衣堂 在縣南郭外迤西明崇禎間舉人路世龍倡建

田賦志

田畝

明洪武二十四年原額地若干頃畝無考 萬厯間地凡五等共折中地一萬二百五十四頃六十四畝五分七釐 水地二十一頃五十二畝五分 上地一百八十七頃四十一畝七分 中地九千七百八十八頃一十畝一分 下地一百二十一頃九十八畝三分 下下地一百八十四頃七十畝九分

國朝因之

戶口

洪武二十四年戶若干口若干無考 萬厯間 戶共一萬

澄城縣志

卷一

七

路本

三百三口共七萬六百八十五

國朝順治初除節年兵荒逃亡過半實在戶共一千八百二十有四

田賦

洪武二十四年原額夏秋稅糧共若干無考

續曰澄故秦晉界也蹶馘之驛騷實稱煩費矣額外供給一一旦視諸田糧杜牧記徵尉廳謂土田枯鹵氣乏秀潤不但已也陂隨谿筍獨苦水脈并浚數百尺不及泉以故土廣人稀從無上農每每斃于催科稱善逋賦非一日矣 爲長吏者慎守畫一而不敢爲百姓造命又加秦府祿糧 夏秋站價鋪陳遼餉六千二百六十五兩八錢二分零並

原額共徵銀四萬六千二百七十六兩七分有奇不思地
有肥磽雖日加之其能報完分數者幾何年哉今

國家蠲除祿餉而田糧之獨重於他邑者未經釐正仁明長
吏急爲痛哭之請與民釋無窮之累不稱百禩瞻仰者乎

丁賦

萬曆間力差銀差總計銀五千一百九十五兩九錢五分零
力差銀二千五百三十九兩 銀差銀二千六百六十六
兩九錢五分有零 外民壯一百七十六名餼械銀一千
五百八十四兩

國朝銀力二差共銀六千八百二十二兩三錢三分八釐零
力差銀四千一百二十三兩 銀差銀二千六百九十九

澄城縣志

卷一

六

路本

兩三錢二分八釐零

課程

現徵銀二十五兩三分三釐

物產

高印之田仰給天澤歲十九苦曠故宜麥不宜稻魚蝦之屬
則絕無焉 藥俱出北山礬紅出塔頭鎮黃鼠即田鼠山雞一
名崖雞非吐綬之鷓鴣也

官師志

封錫

徵今澄城縣衙今白水縣

職官

後魏郡守陸登代人元象初任澄城郡太守

薛欽爲三門縣都將常建言京西二州五郡陸運
晉縣令王阜按樂書王阜爲重泉令擊磬而鸞舞

唐縣令敬山松平陽人中宗相暉父

賈元敏滄州人

裴民 按張彥遠名畫記裴民官至同州澄城縣令工花鳥

鷹鵠鬚爪鮮利甚得其趣 民又善歌常醉酣歌闕便畫自

娛文宗時詔以李白歌詩裴民劍舞張旭草書爲三絕顏真

卿云民嘗與幽州都督孫佺北伐爲奚所圍民舞刀立馬上

矢四集皆迎刃而斷奚大驚引去後以龍華軍使守北平北

平多虎民善射一日得虎三十一休山下有老父曰此彪也

稍北有真虎使將軍遇之且敗民不信怒馬趨之有虎出叢

澄城縣志

卷一

五

路本

薄中小而猛據地大吼民馬辟易弓矢皆墜自是不復射民
嘗求吳道子爲其母畫鬼神天宮寺資母冥福道子觀民舞
劍揮毫大進

鄭楚相

碑係唐鄭雲達名筆今毀

縣丞 段寅長平人學士踐猷子天寶中任

岑謂睿宗時人

縣尉杜牧京兆萬年人肅宗元年爲北徵尉 按燕將錄有

譚忠者燕人也天寶末令內黃與燕牧劉濟將二千人障白

狼口後將漁陽軍留范陽元和五年中黃門發禁兵伐趙魏

牧田季安命其徒曰師不跨河者二十五年矣忠籌畫盡善

各得所欲後劉濟將七萬人伐趙暴卒于軍子總襲職明年

春總出燕卒于趙忠護總喪歸數日亦卒年六十四官至御史大夫忠弟憲范陽令常往來長安間肅宗元年牧作尉北徵與憲過於縣境因道其兄之狀爲之記其事牧有徵尉廳記碑已廢其文傳焉按牧杜佑孫也第進士復舉賢良方正歷御史三州刺史考功郎中知制誥遷中書舍人剛直有奇節不爲齷齪小謹論列大事指陳利害尤切

張收全椒人

元達魯花赤■哈刺不花渭南人至元間任

八刺至元二十八年任達魯花赤

唐兀以進義校尉爲縣達魯花赤延祐二年在

赤只兒瓦及至正十九年爲縣達魯花赤是歲夏五月大旱

澄城縣志

卷一

三

路本

公徧禱羣神竟獲甘澍六月終縣南遵教社飛蝗害稼公奉幣告奠蝗入鄰境歲不爲災

縣尹王永忠以敦武校尉爲縣尹至元二十四年任

張洵字子都欒城人至大二年以徵仕郎爲縣尹曾捐俸重修學講堂韓城教諭岳松有記

彭散竹仄以承仕郎爲縣尹延祐二年在

王璵至治元年以登仕郎爲縣尹

宋傑後至元四年爲縣尹重修城隍廟有記

竇本字可立奉先人竇禹鈞之後至正四年冬以徵仕郎爲縣尹接人以禮御下以寬潔已公勤處事精詳終雲陽同知

樊青至正十六年任■閻洵至正十九年任

縣丞王剛至正十九年任

主簿王幹以將仕郎主簿兼尉 蕭世誠至元間任

翟英皇慶元年任 李仕謙延祐二年任

王訥奉先人父瑋累官至宣政院經歷訥任澄城主簿其家七世同居延祐天歷中兩旌其門學士虞集有詩美之元進士趙普王氏孝義歌曰訥也衆中擅白眉言議開發屬英奇安于之才能有爲紫垣烏府悉稱宜

吳惟敬字敬禮長安人泰定四年任主簿持已清正處事公平尤能折節下士人皆尊仰之兩仕關中俱有政績著聞

岳永政以保義副尉任主簿至正七年任

胡惟靜至正十九年任

澄城縣志

卷一

三

路本

蒙希聖前明德書院山長至正十九年權澄城主簿

縣尉孫恭至治元年任

劉宏遠後至元四年任嘗爲宋傑重修城隍廟作記

保保至正七年任 吳溥至正五年任

典史張彬至元二十四年任 張守信至元三十年任

郝誠皇慶元年任 苗世傑延祐二年任

任博文字約禮長安人至治元年任典史案牘事簡民訟休息慨然有興建之志乃修先聖廟輪奐一新文學之士莫不

感激 王敏夫大定四年任 申克讓至正七年任

胡文至正十九年任

教諭劉忠至元三十任 劉堯澤皇慶元年任

張希義至正十九年任

雜職王德稅使 亦丹蒙古奧魯千戶 苗潤商酒務大使

韋珍商酒務副使已上至元三十年任

劉顯商酒務提領 王壁大使 劉涓副使俱皇慶元年任

徐文德商酒務提領 楊克恭大使俱至正五年任

張思敬稅司提領 撒都丁務使

張也先不花副使俱至正七年任

明制知縣一員縣丞一員主簿一員崇禎間裁添設諫總典
史一員教諭一員訓導一員

知縣

楊季琦交趾北江府臨嘉縣人由舉人正統二年知縣事時

澄城縣志

卷一

三

路本

聲教未融制度缺亡至則定法令布條約輕徭薄賦與民休
息又能興學校建壇壝新祠廟修城堡營公署自是時和年
豐民若安堵後陞福建延平府通判去後邑人思之立祠祀
焉德惠在民民到于今稱之有政績記并詩詞祀名宦

趙瑾博興人由舉人天順五年任涖政剛明終始如一創建
縣治譙樓 單彥明四川新都人舉人

楊泰山西代州人由舉人宏治四年任臨民慈惠處事周詳
喜興作民樂趨事無後期者於學校尤加意焉後陞鄖陽府
通判去之日老稚挽留懸靴寓思自鄖陽陞德州知州終寧
夏慶陽府長史 王臣平定人舉人

徐政山東濱州人由舉人宏治十一年任明敏莊毅儉約自

御涖政以來興滯補弊輕徭薄賦處事皆有紀律教民植桑
棗勤耕織暇日親歷原野見坡陀畛隰率民修理夜則巡視
街坊矚人之勤職業者且卽以所業勞之至如運丁糧而有
方則衆樂趨事禱雨暘而有感則屢獲豐年由是案無留事
獄無宿囚吏畏其明民懷其惠平日臨民以莊民以事入謁
者必先潔衣冠卽不潔不敢入也其起人畏敬又如此後陞
苑馬寺丞擢知耀州陞山西僉事致仕歸值流賊陷濱州樹
標門上曰此清吏也秋毫無所犯州人立清吏坊以旌之先
是澄人謀立生祠未就今輿論謂季琦與政並宜祠祀云
劉一中山西蒲州人由進士正德九年任學富才優賞明刑
當有文武材喜治兵事澄城舊苦盜後畏令屏息不敢發今

澄城縣志

卷一

三

路本

縣署中有嘉禾碑工部郎中五泉韓邦靖撰

孫環山西安邑人由舉人

魏紳山西應州人由舉人正德十六年任勇敢明決不畏強

禦居一年以憂去 郭拱樞山西高平人舉人

荀玠山西霍州人由舉人嘉靖五年任鋤強扶弱境內肅然

史周山西蒲州人由舉人嘉靖六年任持身正大不喜逢迎

任瓚四川南充人由舉人嘉靖八年任平易近民僅六七月

丁內艱去

洪廷玉貴州普定衛人舉人嘉靖九年由教官陞政善民安

一廉如水比卒而歸行李蕭然傷哉貧也非古之廉吏與

楊正芳長陽人監生

安明善山西代州人由舉人嘉靖十三年任朴實有守事不
妄爲以憂去 張衍河南祥符人監生

徐效賢

後祀名宦

敖佐字汝弼直隸河間府滄州人由監生嘉靖十九年六月
任

孫璋字文煥四川新都人由舉人嘉靖三十一年二月以體
泉教諭陞任

程尙儒字景醇四川岳池舉人嘉靖三十二年任

蘇璜山東堂邑縣舉人嘉靖三十五年四月任作士愛民清
聲遠播歷陞湖廣僉事民有去後之思

楊自謙貴州舉人嘉靖四十二年十一月任丁憂回籍

澄城縣志

卷一

五

路本

皇甫鍾岳河南府睢州人由舉人嘉靖四十四年十月任繕
城池均定賦額陞授揚州府通判

陳力山西平陽府蒲州猗氏縣人由舉人隆慶四年七月任
清正有爲路車爲撰徵賦記陞寶定府通判

張士特河南府許州臨潁縣人由舉人萬曆三十年任五年
調北直隸新河縣知縣

暢孟樂山西平陽府蒲州河津縣舉人萬曆五年任

王遇春山西安邑縣人由舉人萬曆間任威惠民懷

張四術山西馬邑縣人由貢士萬曆十五年任

阮和威雲南臨安衛人由舉人萬曆十七年任

高一夔河南陳留縣人由舉人萬曆二十一年任精明仁厚

而無吐茹政善民宜澄素苦徭役重累單戶夔申請條鞭徭役始均一切稅租時其贏誦酌多寡立淹敷之限民赴之如趨市未嘗期表鞭一人而賦畢輸亦無以雀角輕舉憲者前此未有也

劉有餘直隸真定府人由進士萬曆二十五年任治民有善政甄拔童蒙隨博士弟子員季考小子俱能有造文運肇興黃榜四川綦江縣人由舉人萬曆二十七年到任勤于民事置學田立義倉招流墾穢又造木牛滾鋤以勸耕當事者聽其議雖不適用其志可謂勤矣語在自記圖碑

史東昌山西大同府蔚州人由進士萬曆三十年任性強毅敢言不畏權勢煦煦拊民不異家人父子又耐細碎民輸賦牛羊花布粟麥之屬皆准入親視衡量不任左右卽民有行貸者亦藉而付之故人皆相安而上官亦不持以世法嚴冬施衿寡以絮衣民間素族遂興好義之風陞刑部主事民不能忘爲立生祠祀之

楊宏謨山東滋陽縣舉人萬曆三十七年任卒于澄

令孤一伸山西猗氏縣人由舉人萬曆四十七年任陞順慶府同知

姚祚昌四川成都府人由舉人萬曆三十七年任嘉意作人改建文昌廟扶翊文風後調雒川縣

陳璧河南商城縣人由舉人天啟元年任深於詩教志存恬退有和唐姚合武功縣居詩三十首名合璧集又勗新進童

子員有詩

毛丹鳳字陽桐四川威州人由貢士天啟三年任愷悌明敏事無疑滯尤重士特置文昌廟上丁二祭士民懷之居五年丁內艱回籍陞鎮南州知州

張斗耀山西蒲州人由進士天啟六年八月任

杜國漸直隸南宮縣人由貢士天啟七年十二月任催征不擾緩急宜民當時稱爲寬平後愈追思

倪承恩直隸宣府人由貢士崇禎三年任

王選字瀛洲四川西充縣人進士崇禎四年四月由蓋屋縣調繁知縣事性嚴正首以禁暴緝奸爲務特重學較教士以行已卓犖爲本緣逋賦不克考滿憤鬱而卒

澄城縣志

卷一

美

路本

毛昂霄山東曲阜縣人由舉人崇禎八年六月三十日到任至七月十五日謁上公出流賊破城被逮士民憐而訟其非罪始得免議醮金資歸

傅應鳳字菊菴浙江山陰縣舉人崇禎九年由河南內鄉縣調至平易近民寬猛合宜頃來接遇士子廢禮鳳雖倥偬不冠帶不見交際必答拜送必至儀門館遇必送縣門十三年饑民作亂賑贖勸貸勦撫得法後陞淮安府邳宿同知

徐時勉字克勤南直嘉定縣貢士崇禎庚辰特授十四年正月任性執行果取予嚴于一介一切差發不在左右雖援引舊額丹筆搖搖不輕下也觀其堂聯云天惟顯斯凜簷際明威儼矣舉頭之近民亦勞止瞻堦前赤子居然千里而遙其

敬天勤民足法矣

縣丞

姚宗敬

德安人由進士任

永樂後趙惟善

郭鳳

范鏞

魏鑑吏員

善廢削竊魏鄭公家譜去

鄧伯瓊

袁相

劉股

嘉靖中顏鳳瀘州人

王才佐崞縣人陞知縣

趙濟齊東人

喬琮霍州人

賀宏石州人

王仁石首吏員

金時用安州人

楊珍掖縣吏員

孫繼宗德平吏員

馬第齊東人例貢

濟清涿鹿衛人監生

呂應鐘

張汝梁

澄城縣志

卷一

三

路本

萬曆中張致和蘄州人

胡相合肥人

譚學潯州人

曾寶應

孫訥廣昌人耿介不苟

王好儒

馮梯景州人雅崇節孝升經歷

趙明昌山西人

天啟中王應中湘潭人

崇禎中郭天德紫溝人貢士

侯之翰獲鹿人拔貢

主簿

吳二年何楫

洪武三年夏安禮

厥後席正

林士奇

郭永昌

樊敬

楊忠

邢正

劉忠

張凝

任和靈石人

郭馨忻州人

嘉靖中李思明東平人

田茂之

郝貫安邑人

張珂鈞州人

賈銓唐縣人

趙周永清吏員

王致中靜樂人監生 任諱介休人監生

龔橋江都人監生

萬厯中高敏德 屠國用蘭谿人

天啟中左太宜涇縣人 趙精靈石人

崇禎中李可受 衛周印曲沃人 按安禮

廬陵人時關陝初附民多癘疫早暵相仍公則事神治民善

政種種由是風雨時若時和年豐澄之簿安禮其最歟 宋學

士景濂文集中有贈廬陵夏安禮序其末云安禮昔嘗佐澄

城知武強赫赫以政事聞民交口稱之繼自于今苟能愈自

奮勵他日史氏紀循吏之績以備國初之政其在安禮也夫

其在安禮也夫 若李可受之蹈火殉城則烈烈當年又不止

澄城縣志 卷一 夫 路本

如任和李思明得以清謹聞也

練總崇禎九年裁主簿新設此職

路世光本縣人通判從廣次子前綏德州欽依守備部咨今

職

党廷俊本縣人前定州守備後中式解元

典史

吳二年張佐 四年解從周

洪武六年傅榮以廉能聞 楊進 張芳 馬榮 秦蔡

畢顯 校恭 許泰 白澄 王文粹 李琮

康銘 杜志通 許鴻

嘉靖中李潮雲陽人 張楫青縣人

萬曆中李桂芳 李文煥 劉魁光 劉夢桂 李應騏
韓九功

天啟中謝天祐 朱良華

崇禎中戴一桐

按邑令徐效賢曰官師不敬若事無顯效者不錄可也顧志載草創治行或有遺缺者正俟後之君子循是以白其實焉庸錄之

教諭

嘉靖中母德厚江津人 劉富字興善河南鄭州人監生

萬曆中文顯蘭州舉人才高負氣 喬遷高廣宗人

易志策宜都人 石國柱平涼人 楊登高邢臺人陞知縣

澄城縣志

卷一

三

路本

劉振益梓潼進士副榜陞邠州知州 賀一孝蒲州人

張養蒙山西猗氏人舉人陞三水縣知縣 員鳴鶴隰州人

梁惟一岐山人

天啟中谷子藩宜陽人

崇禎中杜鍾岳南充人溫厚宜人陞知縣 王夢豸安塞人

訓導

永樂中暢本

正統中黎昕 陰南 羅宗素 朱能

李棠 梁鳳 梁倫 羅允弼 劉恢

袁文應州人 劉遇陽曲人 馬朴同州志二人與劉佑同僚

相善如兄弟待士如父子一時三賢亦不偶也後俱陞去

高文沁州人 王游隴州人

嘉靖中李暘固始人

郭鼎襄陵人守正不阿罕言利日以經義德行訓諸生卒于官歸視之日諸生引紼涕泣至今思念不忘 馬朴同州志方正廉謹以經行造士卓出一時

李宗雙流人 劉鉞鈞州人 朱震彭山人 桑純內黃人

王得祿廣昌人 王畿 王廷弼俱石州監生

萬厯中曹正蒙山西人 侯僕延安人 陳洪範滎河人

高體乾延安人 孫東周文縣人 張四靈岐山縣人

趙汝攀禮縣人

天啟中沙育金西寧人 馬化龍隴州人

澄城縣志

卷一

三

路本

崇禎中孫汝襄綏德州人 陳宏範甘州人

國朝知縣靳榜直隸祁州人由貢士順治二年任敷政寬平與民休息不一年乃遇難

王用傑字素心山西陽城縣人由貢士順治三年七月任奉檄勦撫翦除渠魁地方始安招脅釋縲良善免波及之害凡所設施原本經術有妨民者力爲抗議與民節省者無限修公署廟宇各詳自記碣中無端註誤徵民實有口碑矣


姚欽明字四表江南江寧人由貢監順治四年十二月任下車日痛餘孽披猖躬冒矢石削平大寇數枝四境獲安縣治公署壇宇久爲兵燹焚燬一一修復如初安集流亡復業尤念澄民逋賦之由皆爲荒糧所累條悉極弊上官褒嘉語在

荒糧碑記澄苦客兵防禦則設壯丁以代之澄苦長安陸運則以溝渠阻深申減折色重修學宮課藝諸生賑贍其貧者或遭雉羅皆爲昭雪童生不能舉婚者如韓朋修路振飛等俱爲捐俸完娶各有頌祝難以殫述士民建石立祠乃其大端云

縣丞周潤生江寧人順治四年任襄姚知縣勦撫修築有功典史黃如鍾宛平人順治五年任

教諭董可仲隆德人順治四年任重修學宮著績

訓導尙鴻圖葭州人順治三年任同督學功



澄城縣志卷二

邑人路世美增修 男路一麟重訂

人物志

宦達

唐魏叔玉鄭國文貞公魏徵長子次叔琬叔璘叔瑜初太宗賜徵莊田於唐上輔馮翊郡之北徵其子孫世居焉遂爲澄城人叔瑜爲豫州刺史善草隸以筆意傳其子魏華及其甥薛稷世稱善書者前有虞褚後有薛魏

魏克明徵 世孫武宗會昌四年封兵部常選五年封黃門侍郎次年封中書舍人

魏扶徵三世孫登太和四年進士第會昌六年差授趙州刺

澄城縣志

卷二

一

路本

史太中初知禮闈入院題詩

魏暮字子舉

唐書本傳作字申之

徵五世孫擢進士第武宗

會昌六年八月差授爲峽復鄜州宣宗大中元年差授同州

刺史二年封兵部侍郎三年封守本宮門下侍郎兼尙書次

封中書門下平章事宜封中書門下侍郎兼檢校尙書又兼

封禮部尙書詔封尙書左僕射勅賜勞使封爲高昌駕部郎

中次封韓國公又次封晉公大王夫人朱氏封郡夫人朱司

馬長孫女初文宗讀真觀政要思徵賢詔訪其後薦暮爲右

拾遺嘗問卿祖書詔頗有存否暮對惟故笏在帝曰此笏乃

今之甘棠

有故笏記茲不錄

後相宣宗議事天子前他相或

委抑規諷惟暮黨切無所回避宣宗嘗曰暮名臣後有祖風

朕心憚之然卒以剛正爲令狐陶所忌讒罷之贊曰暮之議
論挺挺有祖風烈詩所謂是以似之者與今按舊墓在蒲城
縣南十五里宜安村唐穆宗長慶四年此縣已割入奉先墓
在蒲城其未析之前與

宋魏道嚴徵十五世孫神宗熙寧元年差授同州司法參軍
使又宣封爲同州節度使三年爲潞州長史五年爲兵部侍
郎六年爲西臺御史大夫

曹景儉政和中人其甲科無可考曾撰新修普濟寺記必當
時之文人也姑依年代附此

金魏彥直徵十六世孫天會十二年差授趙州刺史元成元
年封爲同州節度使天眷二年封爲中書門下侍郎皇統元

澄城縣志

卷二

二

路本

年封爲禮部侍郎

劉穡號中山大定間官進義校尉

裴天民字先覺宣差檢察華州事

李師徵進義校尉守蘇門同監

雷師易號沮陽野逸明昌間人曾跋觀妙堂詩其甲科官職
不可考姑依年代附此

魏卞徵二十世孫乃武節將軍也正大八年差授陝復鄜州
又宣授節度使九年兼授兵部郎中復宣授延安府安撫使
今按魏氏白克明而下六人出魏氏轉官圖并家譜宏治初
縣丞魏鑑竊去鑑山西蒲州寒葉村人

續曰傳謂天之生物使之一本故武襄不附梁公吳翁不

祖六一惡忘本也魏鑑竊譜與哭子儀之墓者同一用心其忍於忘本也哉肆今文貞華胄泯然無徵重貽稽古者之恨鑑之不仁甚矣

選舉

舉進士者唐魏扶魏謩 俱有傳

宋王殊 字子奇 楊時中 官至樞密使俱熙寧間人

李某 元豐間人 楊植 監察御史宣和間人

金趙彪韓師古宗源趙庭實 號濟南已上俱明昌間人

王嘉猷 字順之承安間人

元齊天祥 參政前至元間人 王孝道

舉鄉進士者唐姜元素 貞元間人

澄城縣志

卷二

三

路本

宋張天錫 皇祐間人

金宗有 李撫權綱

元楊建中 監察御史喬

其舉秀才者元趙信 有傳 雷清 隱逸有傳

明初潘友直 以茂才舉歷工部尚書鄉賢有傳

杜實 以明經舉洪武中從經筵講讀賜六品秩

權上安 以人材舉南樂知縣有傳

明進士

許英 字文傑成化戊戌科授南京戶部主事轉本部員外郎 中鄉賢有傳

韓一良 字之方萬曆己未科授陳留縣知縣擢戶科給事中

鄉賢有傳

孫士髦 字仲譽天啟壬戌科授戶部主事陞密雲道僉事

王廷賓 字賓王崇禎戊辰科聯捷授鄆陵縣知縣調永城縣

王拱極 字薇垣辛未科聯捷授鄆城縣知縣調商城縣

舉人

李革 洪武庚午科任知縣

雷賈 癸酉科平定州訓導

雷恭 永樂乙酉科任監察御史鄉賢有傳

周肅 戊子科任洪洞主簿

羅綱 辛卯科未任

權大用 甲午科任獲鹿縣丞陞石泉縣知縣

澄城縣志

卷二

四

路本

王鵬 丁酉科任安陽知縣

鄭敷 英孫丁酉科任北京刑部主事陞郎中

緱顯 癸卯科任汶上主簿

王復 宣德丙午科未任

張信 巳酉科任黎城訓導

張鵬 乙卯科華陽訓導陞博野教諭

賞昂 正統丁卯科絳縣訓導陞周府教授

馬圖 景泰庚午科歷任平遙陽曲商河訓導

宋志聰 庚午科鴻臚序班陞華亭縣丞有傳

王淳 字子厚癸酉科保德州學正有傳

張夢輔 鵬子癸酉科碭山知縣陞潁州隆慶州知州

李瓚 字宗器天順己卯科芮城教諭陞藩府紀善有傳

許英 成化戊子科官秩見進士下

馬文魁 圖子甲午科任臨晉訓導

張銳 夢輔子丁酉科閩中知縣陞茂州知州

石經 庚子科歷城知縣陞岢嵐知州

馬駙 字世臣圖子庚子科絳州訓導陞代州吉州知州

李壽 癸卯科任蒙陰知縣

田畊 字舜夫宏治王子科大谷知縣陞順德通判有傳

張時 乙卯科朝城訓導

王師古 淳子乙卯科陳留知縣

王忠 戊午科未任

澄城縣志 卷二

張廷用 字以忠甲子科歷知屯留羅山二縣有傳

許世昌 字順德英子甲子科太和知縣陞開封府通判順慶

承天同知有傳

楊庭 字汝直正德庚午科授太原縣知縣陞雅州知州有傳

韓相 庚午科陵川縣知縣

白鸞 字應和丙子科河南府通判有傳

田養民 字希仁畊子己卯科德威二州知州有傳

白文魁 嘉靖乙酉科偃師知縣

關冕 辛卯科未任

賞田 字子力乙卯科歷知故城東鄉二縣

路車 字公御主簿金孫辛酉科歷威州知州敎州府同知卒

于官祀名宦鄉賢有傳

鄭札 字伯文主簿沛子甲子科歷鹽運使有傳

李思誠 字伯修隆慶庚午科鄆縣知縣

高士徵 字應召庚午科由西安府學舉

曹烈 字承武萬曆壬午科授棲霞縣知縣

韓一良 號有懷癸卯科官秩見進士下

賈時聘 字起莘丙午科渾源州知州

孫士髦 乙卯科官秩見進士下

王拱辰 字北仰教授崇教長子天啟辛酉科未任

路世龍 字乾初府同車孫主簿從度子甲子科以選貢舉

王鳳翥 字冲宇甲子科由潼關衛舉任雒陽知縣

澄城縣志

卷一

六

路本

王廷賓 崇禎丁卯科官秩見進士下

王拱極 教授崇教次子庚午科以副監舉官秩見進士下

管太音 字希聲癸酉科

路世美 字繩烈府同車孫通判從廣子癸酉科以貢士舉授

東光知縣

韓九有 字適晦己卯科任鞏昌府安定縣教諭

貢士

焦鎬 松江知府

白企 舉順天鄉試清源知縣

蘭真 玉山知縣陞交趾下洪州知州

雷民 保定府同知

王璉 蒼梧知縣

周鎬 河南按察司經歷

郭衡 汝州同知

郭懋 賓州知州

梁杲 寧鄉知縣

王禮 芮城教諭

惠德 昆明知縣

賞宏 孝義知縣

馬馴 萊蕪知縣

彭慶 單縣知縣

周祥 肅孫寧波府照目

鄭瓚 知青神縣有傳

梁佐 肅寧知縣

龐欽 芮城主簿

孫英 石州判官

王敬 鈞州吏目

杜亨 定襄訓導易州教諭

周廉 鎬孫平峪訓導岳陽教諭

曹貴 金吾後衛經歷陞深州判官有傳

路祥 順德府照磨 韓冠 大同前衛經歷

袁吉 西克主簿

孫禎 未仕

澄城縣志

卷二

七

路本

孫恭 敘州府經歷

袁祥 未仕

郭儉 封邱訓導

孫茂 未仕

田莊 未仕

焦璉 徐溝縣訓導

白璧 鶴慶府簡校陞麗江府照磨

宋應魁 志聰子未仕有傳

周禮 祥子崇寧主簿

賞衷 完縣訓導孝子有傳

王相 未仕

蔡文學 字百川太原訓導

楊得春 字伯魁偃師縣丞有傳

鄭經 員外敦曾孫歷遼東太僕司主簿陞繁峙知縣有傳

廉仲祥 字天瑞未仕有傳 周世傑 廉子原武主簿有傳

孫麓 字天錫吳江溧水縣丞陞南溪知縣有傳

田伯政 定興知縣

白潔 字淨之授懷安衛經歷陞道州同知致仕有傳

楊慶 北京大倉經歷轉武功前衛

賞守經 衷子蒲州訓導陞陵川教諭

杜莘 字時暢亨子郊縣訓導有傳

雷鉞 字德威歷靈山衛訓導有傳

韓汝聽 冠子齊東縣丞 高景異 未仕

路金 字寶之授豐潤縣主簿卒于官有傳

楊耒 庭子授羅山主簿 周珽 山西都司斷事

姚璠 未仕

馬躍如 字凌霄駙子大同行都司副斷事者有傳

澄城縣志

卷二

八

路本

王守正 未仕

杜曉 莘子犍爲主簿

杜冕 莘子遵化縣丞陞眉州判官

馬徐 躍如子任經歷陞東昌府通判

安經 未仕 賈克敬 未仕

楊體元 白楨 平順訓導

焦源淨 璉子 石道立 字子修未仕有傳

宋世傑 應魁子

路雲鳳 字陽梧祥孫隆慶中任鄆縣知縣有遺愛

白鳳 字梧岡鸞弟大同府通判

鄭沛 經子油江主簿 白檀

杜一尙 字河華冕長子廣陵知縣

馬自渭 徐子選貢青縣知縣 孫嘉士 大同縣丞

杜一岸 字子登 冕次子 選貢日照縣知縣 陞淮安通判 有傳

袁汝度 平遙縣訓導 曹式倬 開封府訓導

孫恪 嘉士子 歷王府教授 韓應試 選貢任吉州判官

韓應第 文水縣訓導

白琚 字報吾 萬歷選貢 居庸通判 鄉賢 有傳

韓淑與 汝聽孫 選貢 懷慶府通判 陞資縣知縣 有傳

袁崇雅 字純齋 未仕 王詩 寧夏衛教授

趙斗 歷城固縣教諭

路學禮 字龍盤 雲鳳次子 萬歷間 莊浪訓導

王崇教 字振宇 授扶風訓導 歷慶陽鞏昌府教授 鄉賢 有傳

澄城縣志 卷二 九 路本

張恭 維川訓導 李仰 宜川教諭

韋光元 鎮夷所教諭

孫士鸞 字祥吾 泰昌恩貢 任西城兵馬 有傳

路世龍 車孫從度子 天啟恩選 甲子科 中詳見舉人下

白麒 字瑞明 鸞曾孫 授大名通判 歷晉州知州 河間府同知

有傳

韓允升 字洪陽 河州學正 韓應科 字遇吾 未仕

孫鉉 字貫黃 士鸞子 崇禎恩選 任德安府通判 歷延慶知州

永平同知

魚應時 字待宇 未仕 張端 字嚴吾 臨穎教諭 死難

趙領 字化宇 斗子 甘泉縣教諭

路世美 車孫從廣子癸酉科中官秩見舉人下

景運啟 字新寰任歸德通判白堯典 字廣唐琚子未仕

畦推 字引庭未仕

權時昌 字明之歷忻州州判清平知縣保安知州

賈藍玉 字種之拔貢任太平縣丞

李杼素 字元之知華亭長子二縣

例貢

張庸 許州吏目 賞簡 長清知縣

趙軌 新臺縣丞 孫楫 山西運司經歷

姚昂 陽曲主簿 鄭照 銅城主簿

陳源 廣昌千戶所吏目 張洪 大同倉大使

澄城縣志

卷二

十

路本

張顯 四川鹽課司大使 張整 吳縣巡簡

姚資 北京巡城吏目 李福 嘉定縣丞

秦儀 四川三渡水巡簡 李桂 隆平縣丞

鄭錫 吳江縣丞 鄭冠 大同縣丞

賞憲 順德經歷 藺容 未仕

李森 未仕 李後 順天經歷

張紀 歷鉅野河津二縣丞有傳

姚卓 鴻臚序班陞合州判官 趙翰 沂府典簿

張鱗 未仕 石天性 未仕

趙希聖 蘇州府簡較陞寧府典儀

權隆 懷來衛經歷 白緝宗 忻州吏目

王維翰 德陽主簿

權惟誠 原武主簿

樊永富 未仕

孫光祖 麓子

許士 世昌子

楊未 庭子 楚雄府照磨

鄭思義 長沙府照磨

賞九牧 寶豐主簿

路園 字西塘 未仕

馬自河 字龍川 自渭兄 保安州吏目

劉崇儒 武鄉主簿

許必先 徽州府照磨

路從廣 字一元 金孫車長子 歷儀封安邑主簿 陞平虜衛經

歷臨清州同知 寶慶府通判 致仕 有傳

賞民獲 大同左衛經歷

馬鵬 字光川 自渭子 歷承天衛經歷 光祿寺署丞 宣城縣丞

澄城縣志

卷二

十一

路本

路從度 字兩齋 車次子 授宣城縣主簿 致仕 有傳

賞民讓 字遜菴 京衛經歷 陞安州州判

路從康 字三宇 車第三子 未仕

馬學健 未仕

王拱極 辛酉科副榜 恩監 詳見進士下

張焰如 序班

呼應禎 字典 字陽 鄉縣丞

劉養氣 字浩堂 施樂州吏目 賞繩武 字用宇 九牧孫

畦掄 字簡庭 時聘子 曹堧 烈子 經歷

劉紹基 養氣子

王拱樞

補遺貢士 袁應旂

韓坎

陳力

王訥

王寵

李登庸

楊士廉

王之楨

國朝進士

楊本春 字光美順治丁亥科授泌陽縣知縣

舉人

楊本春 順治乙酉科官秩見進士下

白意 字獻赤通判鳳曾孫戊子科

貢士

杜房 字繼所一岸孫順治恩貢隴西縣訓導

王在京 字依其未仕 趙鴻儒 字稟乾

賞纘武 字念祖主簿九牧孫戊子

武科

金魏卞 武節將軍見宦達傳

澄城縣志

卷二

七

路本

明潘澄 尚書孟舉子初進錦衣衛隨奉應天征討有功陞充

小旗永樂二年陞陝西寧羌衛千戶永樂十年存留南京守

衛世襲不墜

任傑 固東里人西安左衛指揮嘉靖丁酉備禦固原累立戰

功陞都督僉事鎮守寧夏謀勇兼資為虜所憚歷都督同知

移鎮榆林凡三佩將軍印總兵

賞廷俊 字秀若崇禎壬午科解元

名賢

潘友直 嘉靖間祀鄉賢

賀恭 嘉靖間祀鄉賢

許世昌 順慶同知時蜀饑世昌悉力賑拔又請當道給牛

種府城屢崩于水民苦歲役世昌開渠西山以洩之奉檄勦平涪州小河羣盜欽賞銀二十兩已疏請終養起復承天攝行太守事值世宗南巡夙夜拮据又改建陵寢增建司衛遂以勞邁疾而卒

石道立字子修博洽能文章創縣志尤有史才

路車字公御能詩文弱冠以孝廉舉性至孝處異母弟無間言澹泊寡營終身不納一妾銓試第一除威州州故姜維地羌夷叛順靡常車以信義柔綏九年無敢犯境松潘反側當道借爲贊畫旋卽削平天語勞之云飲至明軍旅酬勲錫武功陞敘州府同知卒于官萬厯間威州祀名宦天啟間祀鄉賢

澄城縣志

卷二

三

路本

鄭札字伯文少有志操負笈馬文莊之門砥厲行業嘉靖甲子舉於鄉起家學博轉陽信尹誓不愛錢枉法邑用是執服以憂歸起補新樂塔土午道百務崩弛札裁冗拊罷民不勞而政舉擢戶部主事出知夔州皆有能績後陟兩淮運使卒于位

杜一岸字子登精 有才幹初任日照縣值倭人入寇岸守禦有方四境不擾旋繕城池勤勩者四年以績陞淮安府通判狀元焦竑爲文以送之

白瑚字報吾倜儻重義鄉閭多賴賑恤授通判駐劄居庸附近皇陵中貴旁午驛騷病民瑚不畏勢阿徇愛民不愛官軍民德之天啟間祀鄉賢

韓淑與字士善性醇和處鄉黨接誘循循尤篤友愛自食貧至宦成不有私財教宗弟給諫公成名臣遠邇儀之

韓一良一字象儒生而厚重質訥清正有執出處動模聖賢讀書喜體會不事記誦爲文如其人鄉薦後竿牘請託痛絕不爲及登制科釋褐知陳留矢諸天日不以民間一錢自潤全副精神注於忠君愛民四字天啟間璫熾薰灼逆禍遍天下仕豫者翕然風從公獨不舉其風烈如此七年不調尋以公論難泯推清宦第一授尸垣卽極言文官愛錢陋習上嘉納之召對平臺奉有破格優擢風勵有位之旨上方求治太急索奏數上內外股栗中忌者於御前諷令指名倉卒忤旨遂輟僉院之推得嚴旨卽策蹇歸里栖遲午西寺足跡不歷

澄城縣志

卷二

四

路本

城市僕僮產業宅第一無改于做秀才時角巾布袍非素識者不知其爲給諫也海內仰若山斗起用之章母慮數十上終不起物後子弟苦貧至不能治喪具蓋輓近以來所罕觀也原疏不勝刊惟紀初入垣一疏于藝文志中以見公之梗概焉崇禎十六年十月祀鄉賢長子繼武崇禎乙亥以烈節死議者謂有門風云

王崇教字振宇長厚博洽早歲以明經授右扶風歷天水北地三振教鐸皆以敬敷聞攝真寧篆不取一毫羨餘比致仕行李蕭然惟謠頌頌帙滿奚囊耳家教有義方二子競爽名譽翕集不以子貴改其素居恒言猶箴銘鄉黨有孝有行者必以題咏獎成之年踰九表如一日四方賢者慕之頌之所彙

有榮壽集順治間祀鄉賢

孫士髦字仲譽齠齡成進士十年方赴銓主戶政董密雲糧儲一年節省四萬餘金戶部奏請紀錄奉有潔已急公風勵九邊之旨後因營將王靖東糧冊錯誤該部駁奏繼差西協監事鄧希詔覆查不意挾私中傷雖有臺省畢自嚴王志道等會奏昭雪未蒙俞旨遣瀆關衛戍居家築九轉山居閉門自娛崇禎末年爲僞亂脅營莫知所終

路從廣字一元初任安邑委征解梁漢壽侯廟稅誓不染指一錢改司儀封河務去小宋積水爲民開沃地百十餘頃浚人勒石記績歷陞寶慶通判以水土不服致政歸家惟挾一鶴而已又精六法以王叔明爲宗一時良吏目曰關中鸞全

澄城縣志

卷二

五

路本

謂邊鸞關仝也

有顧氏畫譜悅生近語長安碑洞觀音行於

世譜集尤當唯摘一二見藝文志

孫士鸞字祥吾官至西城兵馬以不附逆璫被嚴旨解組教堂弟瞻園成進士曾無驕色鄉閭稱焉

白麒字瑞明事親孝以明經授別駕駐劄懷安樹邊功轉河間府倅河間盜藪也麒弭禁得法盜息民安里人負債者多不責償

路從度字兩齋由劍外扶父襯歸阡隨廬墓三年神宗朝奉差冊封肅藩後授宣城簿未踰期不忍糧艘病民遂致仕歸卜築澁水之裔以適志終焉

王廷賓字觀光由進士任鄢陵永城二縣以卓異考選疏上

丁難歸里崇禎八年破城遇難

續曰鄉賢典矣賢而未典略之非義也進之非制也舊志鄉賢未立別傳故余亦不敢改爲仍以鄉先生之公論所歸者依次附錄埃采焉聞見所不及者尙需後賢補入

孝子

李茂

續曰李氏三世旌表可以風矣茂之詒謀不旣臧哉

路同科生員爲舉人路車門人讀書必躬行父母次第見背哀感異常俱爲廬墓三年無頃刻離墓側同庠敬服事聞于上賜官帶扁其門口孝子

段邦進時莊里人乳抱失怙恃祖廷貞撫育成立雖未嘗學

澄城縣志

卷二

六

路本

問天性仁孝事乃祖必體其心好施輕財雖至破產不悖養葬盡禮縣學申請順孫以冠帶寵異之

靳香生員幼失父家貧母蒙氏績紡治生及香稍長惇謹好學爲人作塾師每念及孀母孤苦以不能供甘旨爲恨遇馨臙泣下不忍食母病且革嘗糞驗其胃氣人莫能及知縣黃榜扁其門曰眞孝子

趙大治親喪廬墓三年慘頓泣慕不衰

烈女

明白氏長閨里白豸之室女聘于蒲城申起龍年未及笄聞起龍病劇欲往焉父母不可曰豈欲復字我耶當其許之已無他矣弗能強至其家未卅夫死悲咽欲絕家人防之甚周

念夫無後撫嗣五十年未嘗一徃親戚家女德之貞義幽閒何以加此蒲城教諭舉人孫克明爲作傳時天啟四年也

節婦

金師氏縣南雷莊人年十八適雷氏至二十四歲未有子而夫亡誓不再嫁篤養舅姑姑病革諸藥不效氏潛剖臂肉雜飲食以進姑食之病乃瘥後舅姑俱逝又二十餘年其兄師達猶子雷判欲利其產私許楊珍訟于官氏度其難免遂赴庭井而死明昌三年採訪使以事聞特旌貞潔逮明昌四年設宏詞科試諸進士及第者出師氏節婦傳爲題中選者四人隆州錄事郭徽第一序傳贊卽郭試卷也見藝文志

澄城縣志
卷二
七
路本
陳氏以室女適甲午選貢杜冕任四川眉州州判抵任未半年物故拋氏年二十七歲子三人長一尙方五歲次一岸二歲又次一岩父故三月始生時氏寡子幼流移他鄉仰託無人見者莫不涕泣氏扶柩攜子登山涉水抵家其零丁之苦人情所不堪也後家道蕭然饑饉相繼甚至日不再食氏堅貞隱忍冒寒暑而親督耕農對星月而自業績紡教養三子俱有成立孀居四十餘年始終無玷方之柏舟之嫠莫是過矣知縣陳力扁其門曰柏舟齊芳

路氏郭下里耆民路義長女十五歲適辛卯舉人關冕甫十年生子關潼方四月而舉人暴卒彼時氏纔十六歲哀痛幾死勉強葬夫紡績爲生孝事舅姑終以禮葬慈養功子成人時厯地震兼值凶荒堅貞不改見年七十鄉無異議知縣暢

孟樂扁其門曰苦節

知縣暢孟樂曰守節婦女所難而陳氏路氏之節獨苦先此推官吳訪其事呈請察院劉甫奏因丁憂不克行後同知顧亦呈察院任因病故寢予因誌之俟後續焉

路氏鄉賢車女年十七適馬鶚鶚二十病故氏痛欲死姑慰以撫孤事難氏遂爲其難者以緯絮易篝燈課子鳴霄成秀才苦守六十餘年壽至八十知縣毛丹鳳題以松筠高節察院高鴻圖扁爲節婦之門歲給穀二石布二疋鹽院督學亦如之

孫氏年十八擇配庠生鄭柄生一女夫攻苦早世氏卽墜井姑急拯之汲至未繙方挽氏髮桶復墜若有陰翼者然勉撫

澄城縣志

卷二

六

路本

幼女女旋死子媵子女姊女以上壽終焉知縣高一夔以貞靜超塵表之韓城進士張邦俊爲作傳

呼氏生員李朱蓋妻事姑舅盡孝姑舅念婦一手紡績經紀閭家勞悴難任欲爲幼子析筋另立門戶氏不可曰小叔未成立奈何貽憂老親蓋愈感奮讀書不意嬰疾未起氏痛而絕絕而甦復自念曰我有遺腹媵亦覺有娠先君子血嗣或未斬乎事未可知姑忍死自護可耳後竟兩無一成嗟乎天也非人之所能爲矣于是決意從夫地下乃于崇禎八年孟冬望夜得間而經死焉其情酸苦激烈士紳悲悼不已聞之採訪使而得命旨俾建坊表焉文移縣以時事倥傯未舉青城山人同州王宏祖爲作傳

嘗氏路世榮妻邵陽縣舉人嘗炤女讀書通孝經大義適夫八年恪修婦職男女無所出夫故將入窆氏踴身投隧求必死已而戚屬悲氏年少無出勸之他適氏曰有出無出姑勿論也名節爲重狗彘之行豈可爲乎不聽勸言遂斷葦孀居四十餘年如一日知縣毛丹鳳申請上司題額曰宦門冰節張氏通判白麒繼室大同前衛生員張鳴鶴女夫歿祭葬成禮飲毒而死通庠嘗杰等舉之因失城未上

楊氏通判杜一岸妻岸卒後立嗣修塋建坊有賢名嘗氏主簿路從度妻舉人嘗田女樵薪課子壺教肅穆八年失城俱罵賊而死

扈九高妻袁氏路仕季妻韓氏馬御妻任氏馬律妻惠氏貢生王之楫妻張氏郭現妻柳氏石韓妻廉氏俱以完節著聞

義士

韓泰西觀里人累出粟濟萬元孫給諫公韓一良爲清官第一說者謂積德之報也

段廷貞時莊里人嘉靖萬厯間每遇凶荒卽出粟濟萬縣官延請耆賓壽享九十有奇

嘗九長白其里人呼冤三泉里人李逢春王代里人已上萬厯十四年各出粟數百石賑民

李守心善化里人崇禎十三年大饑斗麥下餘錢心以千石救民至熟不計直責償鞠恩之家香火填門

封贈

雷清 以子恭贈交趾道監察御史

鄭信 以子敦封刑部主事 曹銑 以子貴封金吾後衛經歷

許貴 以子英封南京戶部主事

許英 任郎中以子世昌贈奉議大夫

石貴 以子經封歷城知縣 鄭默 以子經封太僕寺主事

楊貞 以子慶封大倉衛經歷 白晏 以子潔封懷安衛經歷

姚帥 以子卓封鴻臚寺序班 鄭沛 以子札累贈夔州府知府

杜冕 任判官以子一岸贈日照縣知縣

韓逢 以子一良累贈陳留縣知縣戶科給事中

孫繼正 以子士髦封戶部主事

白復初 以子麒贈晉州知州

澄城縣志 卷二 三 路本

王崇教 任教授以子拱極封商城縣知縣

坊表

進士第 為成化戊戌科進士許英立

地官坊 為南京戶部郎中許英立

五馬重光 為隆慶州知州張夢輔子茂州知州張銳立

父子登科 為舉人馬圖子馬文魁馬駙立

益振家聲 為承天府同知許世昌立

文重明時 為雅州知州楊庭立

世科坊 為順德府通判田畊子威州知州田養民立

龍章褒勸 為淮安府通判杜一岸立

鄉賢大夫 為敘州府同知路車立

累世黃堂

爲寶慶府通判路從廣立

孝子坊

一爲生員李茂立一爲李表弟監生李森立一爲監生賞表立一爲監生李後立

節婦坊

一爲梁孝恭妻王氏立一爲石愷妻蔡氏立一爲李吉妻廉氏立一爲姚璉妻周氏立一爲生員李朱蓋妻呼氏立

義士坊

一爲鄭鑑立一爲袁忠立

隱逸

權星號歸菴無書不讀宗理學精律歷澹志名場督學許孚遠將越次貢之星不欲遂石隱終身所著有養浩心譚自制角巾三方取法才時呼爲三稜子

澄城縣志

卷二

三

路本

僑寓

唐鄭雲達爲衛尉時嘗寓此爲邑令鄭楚相書德政碑有斷碑在魏鄭公祠中

宋呂大忠字晉伯弟大臨字與叔嘉祐間因汲公爲令相與至縣同尋春匱谷酌隋公泉題名石壁

仙釋

唐高柏成在縣東十里廟墓古柏俱存惟碑爲敬一亭磨泐按玉格篇言柏成是仙又按魏夫人傳昔有再酣靈液而咽棺一服刀圭而尸爛鹿皮公吞玉華而流蟲出戶賈季子咽金液而臭聞百里黃帝火九鼎于荆山尙有喬嶺之墓李玉服雲散以潛昇猶頭足異處墨狄飲虹丹以投水甯生服石

腦而赴火務光剪薤以入清冷之泉柏成納氣而胃腸三腐遺事

後秦姚萇遣姚碩德鎮李閏魏禍飛自稱衝天王率氏胡數萬人攻杏城雷惡地應之攻鎮東姚漢得於李閏萇曰惡地多智若得杏城李閏據之長安東北非復吾有萇親引軍擊降

唐廣德中賞項羌兩寇同州戰澄城郭子儀敗之

明正德七年十一月雒川妖賊邵進祿等入犯由黃龍山據白水鼓衙寨四掠潼關衛指揮張潛關鍵百戶王珍與戰死之兵使者張禴自澄城率衆擊走

崇禎間流賊數萬自延安來攻縣城韓邵營副將張全昌大破之闔縣士民立石記績舉人王拱辰撰文崇禎九年流賊圍城危在頃刻總兵曹變蛟襲擊勦滅之萬民咏戴

雜志

女鬼

孫嘉士負時名勅斷家務閉戶讀書夜半忽聞人語云天有五星兮晦明不一地有五岳兮高卑不齊草木兮夭喬鳥獸兮走飛人生造化兮一定而不可移開戶視之惟有山谷沆瀣涼風嚮答而已知其神告我也遂以義命自安

夙慧

杜冕五歲不能言嘗矚母飼雞一旦忽發聲曰牖下雞啖糠不能振翮鳴朝陽亦當鼓翼上扶桑

畫異

天啟丙寅路從廣任臨清州倅嘗于關帝廟壁間畫虎崇禎間道士諷經至夜三鼓時見虎雙眸炯然從壁而下抖擻跳躍若將及人道士錯愕不知所措急取剛斧格之頭岑岑已不甦矣遲明訝其事州人觀者如堵迄今清源人臨摹其圖競貴售之

妖沴

崇禎甲戌年虎時常下山狼夜夜入城城西南隅羣鬼夜哭或在牆陰或在樹杪至乙亥秋混天星破城癸未年四鄉堡寨刀鎗之上俱見火光嘗有婦人產旱魃者皆兵荒類仍之兆也

澄城縣志

卷二

三

路本

關疑

唐阿那寺有碑係開秘書乃一名筆也疑在縣南阿難寨舊謂高柏成正直之賢無事實可據今以西陽雜俎古豔異編攷之皆作列仙姑從之

伏龍廟按括地志在馮翊縣西北四十里今割入徵漢帝穿渠得龍骨遂立祠舊志疑誤

史紀同州澄城縣有九龍廟相傳爲馮贏王之女也夏縣司馬才仲戲題云身旣事十主女亦如九龍才仲名棧與兒樸皆溫公姪孫有名當時附紀

舊謂唐魏扶知禮闈入院所題梧桐葉落之詩榜出無名子削爲五言詩以譏之附紀

藝文志

北魏

建言改京西二州五郡陸運略

薛欽

唐

縣令鄭公德政碑

陳京

功倉戶尉廳壁記

杜牧

金

縣尉趙公德政碑

失名

主簿李公去思碑

王山甫

重修岱嶽廟記

宗有缺

艾公改修魏鄭公祠記

孫鎮

澄城縣志

卷二

三

路本

艾公遺愛碑

孫鎮

師節婦序傳贊試卷

郭徽

明

縣丞樂公遺愛碑

喬缺

王公重建廟學記

趙寅

楊公政績記

李康

楊公增修廟學記

吉人

劉公嘉禾碑

韓邦靖

兵憲張公延恩祠記

劉一中

權博施墓表

李夢陽

重修譙樓記

韓邦奇

縣堂八銘

韓邦奇

鄭公新修廟學記

韓邦奇

創修名宦鄉賢二祠申文略

徐效賢

查議名宦鄉賢牒文略

徐效賢

修建社學記

楊庭

遷武安王告文二通

敖佐

惟神正氣雄才鎮一時之擾擾威靈神爽閱萬古而洋洋必
嚴廟貌之修斯稱明禋之義顧茲縣治舊有神祠人神雜居
豈陰道之尙靜鞭朴日擾非典禮之攸宜佐忝屬守土之臣
愈切驚惶之念圖福地於父老得廢廟於城中殿宇巍峩門
牖高廣工材飭而人不告勞輪奐新而神若陰助奉遷神像

澄城縣志

卷二

三

路本

假此良辰懼畚鍤之上干修牲醴而虔告禮因義起事非妄
爲伏乞明神舍舊卽新不鄙以憎嗣是而後碧瓦朱甍壯千
載英雄之氣青天白日表一生忠義之心神人旣安幽明斯
正謹告 遷像文

神無定位惟靜斯安神無常享惟誠斯格佐卽此闕宮奉安
故像幸人謀之旣協量神心之少慰嗚呼爵三醑兮禮成衆
竦息兮屏營新廟旣作兮王之庭雲旗前導兮簫鼓鳴騁赤
菟之如龍兮振金戈之錚錚神赫赫而戾止兮氣凜凜其循
生願驅疫兮陰兵翼誅魃兮神能護萬載之疆圉兮庇民吏
於休徵謹告 安像文

徐公吏坊記

馬躍如

增修城隍廟記

石道立

徐公追思祠記

李懿

暢公增修城隍廟神樓記

路車

節婦孫氏傳

張邦俊

出入諫垣疏略

韓一良

李節婦呼氏傳贊

王宏祖

澄庠創修泮池記

路世美

國朝

重修察院記

王用傑

重建城北樓移元武神像記

王用傑

城西北樓創建天王神像記

王用傑

澄城縣志

卷二

三

路本

申除荒糧文

姚欽明

花署記

姚欽明

姚侯重修文廟儒學記

原毓宗

姚公生祠碑記

常若柱

蘭莊河小橋記

路世美

姚公申除荒糧記

路世美

增修關帝廟碑記

路世美

嘗讀吳魏國志見一時俊杰其才皆不在漢壽侯下蓋功不能違時而立名不能遺業而就如遼褚肅瑜輩建必然之策爭得為之勢文謀武略震煜當年不可謂不知時務也雖然詭遇暗奸大寶不過一再傳酣營不過一二世迄于今如轉

瞬間事蒙遜之鬼不靈權探之祀頓斬惟帝直氣凌青漢威神貫宙合家尸戶祝廟遍寰區北極紫蒙之野南屈五鳥之路則何以故當帝之時勢莫完于孟德力莫強于仲謀昭烈孤榮之裔敗亡之餘削弱爲特甚操欲誘帝爲己用毅然而不從權欲爲子請婚罵辱其使如狗彘間關千里戮力漢室此其忠義不奪卽在建武許洛間孰不仰之如神明論者後以壯繆疑之向使不明春秋大義少屈厥志俯就功名又惡能充塞兩間久而愈靈顧若是之烜赫哉繹帝日心天人敦語允惟至誠故如神也語云至誠不息不息則久帝之誠能動物信及豚魚物于麥城未踰月呂蒙死明年曹瞞殂吳人鄭泉諫令白昭烈日陛下亦知關將軍今爲治鬼督乎魏人

得首而金爲之身吳人得身而玉爲其首各全一體廟食兩國其精魂不獨依依西土也後主以帝明穆英邁謚爲壯繆侯隋唐來吳人祀于燕子磯宋追封忠惠公加封武安王明天啟間加封伏魔大帝夫由侯而公而王而帝尊云至矣其敕建廟祠如都門如解梁如維陽如彰鄉禮云崇矣而窮鄉下邑凡思各致其誠者又何地無祠吾邑故有武安王廟在縣治中嘉靖間邑侯徐公效賢以其湫隘喧雜遷置城中巽位其地甚爽塏殿宇門闕僅各三楹天啟間邑侯毛公丹鳳殫心民莫政化協洽民物安阜歲乃大有謂帝新冊尊號兩暘時若祠宇敝陋非所以答靈貺妥至尊也欲拓而恢之首義舉敦匠事者則守備路世光耆民王可盈經歷孔三仁木

鐸王應長路運等二十餘人主持募緣者則釋性健神力所攝侯德所感不數月米穀金錢釵釧木石醮如流水約略計得千有餘金先是廟墀窳下由城外輦土填築增高殿廡臺基度以九尺之筵南北四十筵而羸東西十五筵繚垣百十堵有奇覆以鴛瓦甍屏爲兩耳門屏內一筵拾級而上建坊三楹又進九筵爲戟門五楹門崇二雉中三楹爲神路廣容大肩十箇左右二楹爲耳門廣容小肩五箇又北十五筵爲正殿五楹崇三雉廣容乘車五箇修容大肩十箇前有饗殿七楹重加柱碣高廣如正殿之數而兩之軒廠洞明勝棟皆豫章材旁有廡十八楹東西各九中有唐唐上有獻臺臺前左右建鐘鼓樓則世光獨施也其寢廟五楹酌厦三楹視饗

毀殺三之一工成議七月朔日爲香火會無所取之取諸落成之始也工起于天啟三年四月會毛侯以績最擢去尙有右檻丹髹畫壁精舍缺焉未竟自是連年旱暵中庚崇禎八年兵變失城又庚十三年之大饑十六七年之鼎革屢遷回事人凋零略盡每思向日之綏時屢豐踴躍球陔者竟奪于寇螳兵蜂而不可得順治五年邑侯姚公欽明以金陵世家來守焦土靡祠不修靡神不舉瞻仰帝廟欣然爲浮屠合尖復建坊表于獻臺之上衆鄉老屬余爲記余思邑有賢尹則聰明正直與神合德庶民子來固鍼芥之感也前有毛父後有姚母帝之靈也民之福也帝靈垂五百年而至開皇一顯于玉泉之刹又垂五百年而爲崇寧再顯于蚩尤之戰今又

五百年矣其靈應指不勝僂然鎮長城匡輔皇圖不將于恭
敬明禋者永永有賴哉凡襄事輸貲者例得書名詳見碑陰

姚公重修元帝廟記

楊本春

大易曰神道設教周禮云以事鬼神故營廟貌設儀像尸而
祝焉時而祭焉罔非移風易俗之微旨云爾潞邑街西舊有
元帝廟正殿三楹獻殿三楹神像一十七尊隨所祈禱無不
靈應備載于明萬曆十有七年阮侯重修之記我

聖清革命之初兵戈擾攘焚毀獻殿僅存正殿歷年既久風
雨漂搖棟宇朽折牆垣頽圯邑侯姚公以江南之偉才當
龍飛之四載特膺

寵命視篆此上一日往謁其廟顧瞻荒涼之景輒一嘆息謂

澄城縣志

卷二

无

路本

邑人士曰元帝金闕化身乃長生治世福神廟貌弗飾而生
視其燹是慢神矣神將奚依哉邑人士稽首言曰吾輩仗神
功以生輸財圖報因所願也明公有此盛舉誠神人並受其
福矣公曰爾地方年來苦兵戈苦賦役甫離湯火重困而方
甦吾何忍動民間一絲一粒一木一石邪乃獨捐俸資屬耆
老樊尙賓王加積等命匠計工飭正殿起獻殿葺其牆垣金
其神像戊子孟春經始孟夏奏績矣功既成耆老徵余記其
事余曰公自下車以來戢跋扈安淳良撫流遺賑貧士聽睿
綜核狐鼠無所憑依文事武備豺狼無所馳突而且爲之議
緩征議改折修城郭以衛居民通水渠以利風水其於治民
何其法至備而勞至深也而于事神尤兢兢焉詩曰靡神不

舉公其有之是廟之煥然一新也使邑人士遇廟而覩其廟貌巍峩儀像尊嚴肅然起敬爲善去惡不敢不忠不敢不孝不敢不悌禍亂不作虞詐不生風俗丕變雖神佑之靈哉實公錫之福也故爲記公諱欽明字四表江南江寧人皆順治六年孟秋吉旦立石

姚公重修魏鄭公祠碑

權時昌

姚公循良善政記

杜 房

詩詞

唐

知禮闈入院題

魏 扶

梧桐葉落滿庭陰鎖閉朱門試院深曾是當年辛苦地不將

澄城縣志

卷二

三

路本

今日負初心

宋

隨公泉

適菴老人

過鄭公莊

張舜民

金

觀妙堂

在崇壽宮

郝子玉

元

遊玉泉

潘汝劼

過精進寺

郭思德

明

賑貧

成化二十一年

梁 璟

布政分司題壁

崔忠

過古徵

于璠

按察司題壁和韻

曹樾

澄城道中

伍福

過澄城贈知縣楊季琦

張楷

附送楊侯之延平 大常引

張楷

循良馮翊第一人風俗盡還淳明月映花村看陰陰桑柘
日新寸心忠義滿懷霜水方治又重陞南楚撫萬民恩澤
彼此如陽春

魏鄭公祠

張楷

憂旱 嘉靖十年

張廷用

澄城縣志

卷二

三

路本

關中饑行

張廷用

哀時俗 效白傅體

張廷用

普濟寺

張廷用

隋公泉和韻

路車

蹟古隋皇可漫傷清流猶帶粉脂香獨憐一脈甘霖水不潤
蒼生照晚妝

甘泉

路車

獨坐寒岩聽野泉參同一卷道元元不知老眼寬多少萬里
青山小似拳

清涼院

路車

題青蓮寺路一元先生龍虎畫壁

解蔭樾

勗新進童子

陳璧

才著衣冠便儼然從容端拜聖人前菁華雅欲文章重根本
還推孝弟先凌轍鄉閭天帝怒猖狂花酒市兒憐雞鳴曉覺
頻思省好把希文自勉旃

和姚武功縣居詩 三十首之二

陳璧

繫籍繁難地彈琴愧宓齊夙興驚鳥宿遲寐嘆鷄棲疏拙宜
南畝逢迎恥夏畦思之真爛熟細和武功題

僻縣諸艱備差閭少送迎郭連精進寺山礪古徵城避暑離
宮地浴腸聖水聲簿書何日了對此坐天明

庚辰特授二首

徐時勉

涓埃無補濟時身慚愧君恩千載新今日繭絲關六計年來
澄城縣志 卷二 三 路本

烽火況三秦原無逐走追飛技空作焦頭爛額人力命兩忘
真自在去留應等一微塵

荒城獨坐虎狼餘烽火銷殘草木疏只合劬勞安澤雁何堪
朝暮駭山狙三年下考醫瘡賦一篋中山射影書賴是聖朝
無棄物其如日暮想柴車

和清涼院

路世美

孤山梵宇依霜空橫野荆榛鳥道通青草零落珠像側白雲
繚繞竇嶠中簷牙幾度天花雨松梢數聲雁塞風方丈無人
堆柏子夜邀明月暫相同

荒陵暮雨 縣景八首

路世美

日夕行歌古道旁蕭蕭翁仲晚烟涼婚停碑仆君恩盡水咽

山寒蔓草長石馬雲深藏帝鑑寶衣雨壞墊陰房徽猷不逐
滄浪變華表年年俎豆香

古寨寒烟

金湯矗矗自巍然猶識平章鼙鼓年營塢千秋屯虎豹睥睨
萬里眺風烟盈盈曲遠漆沮水蕩蕩平連太華巔廟社幾遷
留故壘長將天險應星躔

雲門素練

倏忽迷離似白衣還如疋練翦天機兩崖佳氣明丹壑一澗
寒光霽翠微意欲從龍橫海嶠勢不待族出山扉莫言止足
供怡悅時化紅塵帝座飛

羅谷丹霞

澄城縣志

卷二

三

路本

薄暮凌晨燦爛明橫空疑是慶雲生重重虹綵眞難摹煜煜
文章織不成映水浮山錦作帶分鴉齊鷺赤爲城不堪寒谷
長淪落裁就天袍貢玉京

洗腸故地

反骨伐毛豈浪傳鉢中誰解卻生蓮心將石脈同清淨身與
閻浮任往還白日那知飛錫去清宵應共海鷗眠於今指點
神通窟雲在長空月在泉

避暑遺宮

天皇無計避炎歊窮谷迎涼不憚勞帳殿猶存殘柱碣歌臺
尙憶舊檀槽徘徊往事隨流水惆悵繁華只野蒿勝地可能
無勝賞碧筒潦倒任風騷

壺山樵子

村路盤山不種畚生涯終日伴麋麕村楂梢柶行吟苦冷露
寒煙步擔齊武帝祠前雲靄靄將軍廟上草萋萋昏鐘敲斷
興亡話遮莫從容下石梯

沮水漁翁

十里烟波隔市廛四時寒碧漾漪漣蒹葭掩映雙蓬鬢風雨
飄飄一葉船浪靜好看鱗甲動舟輕不畏水天連羨渠物外
垂綸老每餌魚蝦不用錢

隋公泉

路世龍

萬朶旌旗一鏡天行宮到處纜龍船一去廣陵多少恨空餘
碧澗鎖寒烟

澄城縣志

卷二

三

路本

國朝

象龍篇

和解太史七言古

王用傑

題湫頭

有引

王用傑

分水嶺

王用傑

縣景八首

姚欽明

隋公泉

李楷

芳泉淼淼瀉春波天仗簇擁翠輦過寂寞遺宮千古月清光
應比舊時多

湫頭

七言古

路一麟

